



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.15. Bellum in Longobardia.

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sæcul. VIII.
A. C. 754.

piendam stimulantur. Baptismus quoque duorum Principum adolescentum usque ad illud tempus dilatus fuisse creditur, & Papa eosdem e sacro fonte lavasse; nam in pluribus Epistolis Regem Pipinum Compatrem spiritualem, Reginam Bertradam Commatrem, & duos Principes filios suos spirituales dicit.

Steph. III.
ep. 3. to. 6.
Conc. p. 1718

His Titulis, quibus Religio venerationem pariebat, ornari illa ætate honorari ducebatur. Ceterum Regem Pipinum Reginam Bertradam dimittere cogitantem cohibuit Papa, cujus salutaribus monitis obsecutus est Rex; & inde forte est, quod una cum Pipino uncta fuerit. Papa magnis privilegiis Abbatie S. Dionysii collatis supra Altare etiam reliquit Pallium suum, quod hodie in illo Monasterio asservatur. In illa tandem commoratione Stephani Papæ in Francia Clerici, qui eum comitabantur, rogante Pipino, meliorem cantum Francos edocuerunt, qui cantandi modus deinde in plures Ecclesias propagatus est.

Hild. Areop.

Valaf. c. 25.

§. XV.

Bellum in Longobardia.

Quamvis statutum esset, bellum in Longobardos movere, nihilominus Rex Pipinus suadente Papa Legatis ad Regem Aistulphum tertio missis pacem obtulit, magna

Anast.

magna etiam dona promittens, si quæ u-
 surpaverat, Ecclesiæ & Imperio redde-
 ret. Ipso pertinaci animo omnia recu-
 sante Pipinus ducere exercitum cœpit,
 & viæ dimidium emensus iterum, roga-
 tus a Papa, effusionem sanguinis Chri-
 stiani prohibere cupiente, Legatos ad
 Regem Longobardorum direxit. Papa
 quoque ad eundem litteras dedit, obte-
 stans per omnia sancta Mysteria, & Ju-
 dicii diem, ut Ecclesiæ & Imperio sua
 restitueret. Cum igitur Aistulphus Re-
 gi Pipino minaciter rescripsisset, is copias
 admovet, & præsiariis, quibus angu-
 stos Alpium aditus defendere impera-
 tum fuerat, concisis, Aistulphum Ticino
 se includere compellit, & urbem obsi-
 det. Tunc iterum exhortante Papa, ut
 sanguini Christianorum parceretur, fœ-
 dera inter Romanos, Francos & Longo-
 bardos punguntur, promittuntque jure-
 jurando & datis litteris Aistulphus &
 cuncti Gentis suæ Proceres, absque om-
 ni mora Ravennam & plures alias urbes
 reddere. His Pipinus recessit datos a
 Longobardis vades secum ducens, fru-
 stra admonente Pontifice & obsecrante,
 ne verbis eorum fideret, sed se in Italia
 præsentem omnes conditiones impleri ju-
 beret.

Itaque Stephanus Papa Romam re-
 vertitur comitantibus Principe Hierony-

Hist. Eccles. Tom. X.

Q

mo

Sæcul. VIII.
 A. C. 754.

Anast. ap.

Coint. an.

an. 754. n. 75.

Sæcul. VIII.
A. C. 754.

mo Pipini fratre, Abbate Fulrado aliisque Proceribus, quos Rex itineris socios obsequii causa addiderat. Pontifici in campo Neronis prope Vaticanum procedenti obvios se intulerunt Episcopi, Clericique, cantantes & Cruces portantes, sequente maxima populi multitudine & acclamante: *Laus summa Deo omnipotenti! advenit Pastor noster, in quo post Deum salus nostra est.* Papa aliquibus S. Dionysii Reliquiis e Francia allatis fundavit Græcorum Monachorum asceterium, in quo depositæ colerentur.

Hild. Areop.

Anast.

Ep. 7. Cod.
Carol.

Ceterum, quod Pontifex prædixerat, ita evenit; nam Pipino in Franciam reverso, Aistulphus ne glebam quidem eorum, quæ abstulerat, reddidit; imo Romanos novis exagitare vexationibus cepit. Ergo Papa eorum, quæ agebantur, Pipinum Regem certiore fecit data Epistola, ab Abbate Fulrado deferenda. In ea loquitur in hunc modum: *Adjuvo vos per Dominum Deum nostrum, gloriosam Matrem ejus, per virtutes Calixti, & S. Petrum, qui vos Reges consecravit* (nam Epistola etiam ad Principes filios directa est) *sanctæ Ecclesiæ Dei omnia reddite, secundum Donationem, quam Beato Petro Defensori vestro promissistis, & fallacibus verbis hujus Regis atque Procerum ejus nolite fidem habere. Quippe in vestras manus tradidimus* Sancti

Etæ Ecclesiæ causam; quapropter Deo & S. Petro in die terribilis Judicii rationem reddetis, dum interrogabimini, an hanc Ecclesiam pro viribus defendevitis. Vobis hoc opus bonum per tot Sæcula destinatum est, nulli enim Patrum vestrorum tantus honor obtigit. Vos, inquam, Deus ad rem præstantissimam perficiendam ab æterno elegit. Quia Rom. 8.30.

Sæcul. VIII.
A.C. 754.

quos prædestinavit, hos & vocavit, & quos vocavit, hos & justificavit. ()*
Ita Stephanus Papa verba S. Pauli ad negotia temporalia transfert. Tum dicit Fulradum, & comites ejusdem ad Regem omnia, quæ Romani paterentur, singulatim delaturum.

Haud diu postea Pontifex Wilcarius Episcopum Nomentanum ad Regem Pipinum misit cum alia Epistola, in qua adhibens novas eloquendi figuras vehementissime Pipinum urgens dicit: *Ideo Rex Regum tot populos vobis subjecit, ut S. Ecclesiam tueremini. Non enim Deo defuit alius modus eam conservandi, si ei placuisset, sed cor vestrum tentare voluit. Ideo nobis præcepit, ut ad vos iremus, & profectionem tot laboribus &*

Epist. 9. Cod.
Carol.

Q 2

peri-

(*) Hæc Apostoli verba non leguntur in Epistola ista, prout eam refert Cardinalis Baronius in Editione Coloniensi 1624. sed in margine sæpius notatur dari varia Exemplaria.

Sæcul. VIII.
A. C. 755.

*periculis plenam susciperemus. Et infra
Scitote, Principem Apostolorum promissionem a vobis factam custodire, & nihil
impleatis, eandem in die Judicii contra
vos producturum. Tunc enimvero ingeniose excogitatae excusationes non admittentur.*

§. XVI.

Obsidio Romæ.

Anast. ep. 4.
Et c. 6. Carol.

Interim Aistulphus copias urbi admovebat, quam prima die Januarii anno septingentesimo quinquagesimo quinto milite cinxit & tribus mensibus obsedit, omnia extra mœnia posita ferro & igne devastans, & quotidie vi summa irrumperere tentans. Sanctorum quoque corpora e Cœmeteriis effossa abstulit. Cum obsidio jam septem septimanis tenuisset, Papa itinere maritimo nec sine maximis periculis in Franciam misit Georgium Episcopum, Comitem Tomaricum & Abbatem, Warnerium nomine, qui a Pipino Romam missus, cum Urbs obsideretur ab hostibus, lorica pectus munitabat, & in mœnibus irruentes forti brachio repellebat. Hi duas, quas redderent, habebant Epistolas, unam ad Regem Pipinum, alteram ad Principes filios ejus, omnes Francos Ecclesiasticos Laicosque suo & omnium Romanorum nomine datam, in qua nihil, quod in pri-

Ep. 4. Et c. 6.
Cod. Carol.
Steph. ep. 4.
to. 6. Conc.
p. 1635.